

letzten hulfe, der her begernde was von syme va-
 ter, du he sprach: myn got, der do ist aller crea-
 turen got, durch was zo hostu mich gelesen + Ich
 beswere dich by syme helygen grabe + Ich beswere
 dich by syme demutigen tode vnd by syner bygraft +
 Ich beswere dich by syner uferstendunge + Ich be-
 swere dich by syner wundirlichen hymmilvert + Ich
 beswere dich by deme hymmel vnd by der erden vnd
 by dem mer vnd by alle deme, daz darinne ist + Ich
 beswere dich by den heligin sacramenten der heligen
 cristinheyte vnd by allen gotis togenden + Ich be-
 swere dich by der helygen iuncfrowen sente Marien,
 der muter vnsirs herin Jhesu Christi + Ich beswere
 dich by den engeln vnd by den patriarchen vnd pro-
 pheten + Ich beswere dich by den apostolen + Ich
 beswere dich by den helygen mertererin vnd by allen
 bichtegern + Ich beswere dich by den iuncfrowen vnde
 witwen vnde by allen gotis heligen + Ich beswere
 dich vnd gebite dir by gote vnd ouch by syner lyben
 muter, das du das was salt rümen vnd salt dynen
 wek varen. In deme namen dez vatirs, des sonis vnde
 des helygen geystes. Amen.